




ეკონომიკური ზრდის ტემპი

IV კვარტალი, 2020 წელი

პარლამენტის საბიუჯეტო ოფისის შეფასებით, 2020 წლის IV კვარტალში რეალური მშპ-ის ზრდის ტემპი უარყოფითი იქნება და **-4.3%** დაფიქსირდება. მშპ-ის მოსალოდნელი კლება კვლავ განპირობებულია COVID 19-ის პანდემიით გამოწვეული, როგორც მოთხოვნის, ისე მიწოდების შოკებისაგან. სხვადასხვა ტიპის შეზღუდვების ცალკეულ შემთხვევებში გაუქმების ან ზოგ შემთხვევაში მესამე კვარტალთან შედარებით გამკაცრების პარალელურად, კვლავ მნიშვნელოვანია საგარეო მოთხოვნის შოკი და გლობალური პანდემიის ფონზე კვლავ მნიშვნელოვნად დარღვეულია გლობალური ღირებულებათა ჯაჭვი, რომელიც განაპირობებს მიწოდების შოკს.

აღნიშნული პროგნოზი ემყარება დაშვებებს, რომ 2019 წლის მეოთხე კვარტალთან შედარებით:


- ⇒ ტურიზმის მოცულობა დაახლოებით 95%-ით შემცირდება, ამავე დროს მკვეთრად შემცირდება ქვეყნიდან გასული ტურისტების რიცხოვნობაც.
- ⇒ ტურიზმის ექსპორტის მნიშვნელოვან კლებას ნაწილობრივ დააკომპენსირებს შიდა ტურიზმის აქტივობა. (თუმცა ეს ეფექტი გაცილებით ნაკლები იქნება მესამე კვარტალთან შედარებით).
- ⇒ უმნიშვნელოდ გაიზრდება კერძო მოხმარების მოცულობა, განსაკუთრებით სასურსათო პროდუქტებზე.
- ⇒ შემცირდება კერძო ინვესტიციები, რომლებიც მთავრობის საინვესტიციო აქტივობების მიუხედავად მნიშვნელოვნად განაპირობებენ მთლიანი ინვესტიციების შემცირებას და ეკონომიკური აქტივობის აღნიშნულ უარყოფით ტემპს.



*პროგნოზის ინტერვალი აღნიშნავს 50%-იან ალბათობას, რომ მშპ-ის ზრდის ტემპი მოცემულ ზღვრებს შორის იქნება.

- ⇒ მომსახურებით ვაჭრობის მკვეთრი კლების პარალელურად, მოსალოდნელია საქონლით ვაჭრობის კლებაც, მიუხედავად მოხმარების უმნიშვნელო ზრდისა.
- ⇒ უმნიშვნელოდ გაზრდილი მოხმარების და შემცირებული კერძო ინვესტიციების პარალელურად მოსალოდნელია რომ მნიშვნელოვნად შემცირდება საქონლის იმპორტის რაოდენობაც.
- ⇒ მსოფლიოში მიმდინარე ანალოგიური მოვლენებიდან გამომდინარე მოსალოდნელია, რომ შემცირდება ექსპორტზე მოთხოვნა და შესაბამისად შემცირდება საქონლის ექსპორტის მოცულობაც.

აღნიშნული დაშვებების რაოდენობრივი შეფასების შედეგად მოსალოდნელია, რომ ექსპორტის მოცულობა უფრო მეტად შემცირდება, ვიდრე იმპორტი და წმინდა ექსპორტის კომპონენტი -1.6% -ული პუნქტით განსაზღვრავს ეკონომიკური აქტივობის ცვლილებას, ხოლო აბსორბციის (მოხმარების და ინვესტიციების ჯამი) კომპონენტი მნიშვნელოვნად შემცირდება (კერძო ინვესტიციების შემცირების გამო) და მშპ-ს ცვლილებას -2.7% -ული პუნქტით განაპირობებს*.



*2020 წლის III კვარტლის მშპ-ს ზრდის დეკომპოზიცია წარმოადგენს საბიუჯეტო ოფისის შეფასებას.

დამატებითი ინფორმაცია:

- [წლიური მაკროეკონომიკური პროგნოზები](#)
- [განმარტება მაკროეკონომიკური პროგნოზების მოდელის შესახებ](#)



საქართველოს პარლამენტის საბიუჯეტო ოფისი

WWW.PBO.PARLIAMENT.GE